

四  
印  
齋  
所  
刻  
詞

四 印希所刻詞

覆瓿詞

宋 東莞 趙必璩

綺羅香

和百里春暮遊南山

辦一枝藤蠟一雙屐縱步翠微深處無限芳心付與蜂  
媒蝶侶紅堆裏杏臉勻妝翠圍外柳腰嬌舞有吟翁熱  
惱心腸肯拈出美成佳句九十光陰箭過趁取芳晴  
追逐春風杖屨消得幾番風和雨春歸去悵鶯老對景  
多愁倩燕語苦留難住秋千影裏送斜陽梨花深院宇  
念奴嬌

和雲谷九日遊星巖

一時四美對重陽那更無風無雨塵世難逢開口笑不  
飲黃花有語雲谷春生星巖秋好引領羣仙去滿襟霽  
月山中一洗塵霧濂翁舊說猶存淵明獨愛菊風流  
千古拄杖笑談卿與我不減晉人風度破帽欹風空尊  
眠月也有悠然趣秋容未老晚香尤有佳處

蘭陵王

贛上用美成韻

畫闌直鬪釘千紅萬碧無端被怪雨狂風慙柳憊花禁  
春色尋芳遍楚國誰識五陵俊客流水遠題葉無情腸

足不來杳牋尺 浮生等萍蹟纔卸卻歸鞍坐未溫席  
恩恩還又京華食歎聚少離多漂零因甚江南逢梅望  
寄驛美人今天北 悲惻恨成積悵釵玉塵生猊金煙  
寂綠楊芳草情何極偏嬾撥琵琶愁聽羌笛梨花院落  
黃昏後珠淚滴

### 風流子

贛上飲歸用美成韻

舊夢憶錢塘笙歌裏幾度醉斜陽曾載月一篷眠楊柳  
岸買春深巷過杏花牆腸惱斷香鬟盤鳳髻櫻口嚙鶯  
簧釵玉分輕夢孤宵枕歌紈蠹久愁對春觴 司空曾

見慣相逢處還又聯步西廂底用十分迷殢翠陣紅行  
記鴛篋題情離懷如訴鮫綃粉溼別淚猶香年少拋人  
易去苦也相妨

別贛上故人用美成韻

春光纔一半春未老誰肯放春歸問買春價數酒邊商  
略尋春巷陌鞭影參差春無盡春鶯調巧舌春燕壘香  
泥好趁春光愛花惜柳莫教春去柳怨花悲春心猶  
未足春幃煖爐薰香透春衣說與重歡後約春以爲期  
記春鴈同時錦牋須寄春山鎖處珠淚長垂多少愁風  
恨雨惟有春知

齊天樂

舟中和花翁韻答自村同年

東南半壁乾坤窄，渺人物消磨盡。官爵網羅功名釣餌，  
眼底紛紛蛙井。暮更朝令，扞格了多少英雄豪俊。身事  
悠悠，儒冠誤矣文章病。休休蕉鹿夢省，早牛衣無恙，  
鷗盟未冷。相越平吳終成底用，不似五湖舟穩。浩歌狂  
飲，休說我命通待他心肯。浮世南柯夢，邯鄲一枕。

華胥引

舟泊萬安用美成韻

滄浪磯外小，艤蘭舟旋沽竹葉雨。過溪肥波心蕩漾，鷗

對唼煙晚欸乃漁歌和橈聲  
咿軋要泛五湖祇恐西施  
羞怯 年少飄零鬢未霜  
底須輕鑷江南歸鴈寄來  
鴛  
牋細閱盟言誓語滿鮫綃  
羅篋撩弄相思琴心寸寸  
三疊

意難忘

過廬陵用美成韻

魏紫姚黃屬吟翁管領曾  
醉春觴盟寒釵鳳股灰冷  
寶  
猊香前事遠此心涼去也  
棹滄浪把年時芳情付與  
鴛  
頸交相 燈前弔影成雙  
歎星星絲鬢老矣潘郎愁  
偏  
欺客枕樣不入時妝塵面  
目鐵心腸歸隱又何妨小  
灘

頭曲竿直釣誰識嚴光

宴清都

舟中思家用美成韻

遠遠漁村鼓斜陽外賓鴻三兩飛度茅簷春小白雲隱  
几青山當戶騷翁底事飄蓬渾忘卻耕徒釣侶何時尋  
斗酒江鱸悠悠千古坡賦風流種柳淵明折腰五斗  
身爲名苦有秫田貳頃菊松三逕不如歸去山靈休勒  
俗駕容我臥草堂深處問故園怨鶴啼猿今無恙否  
鎖窗寒

春暮用美成韻

乳燕雙飛黃鶯百轉深深庭戶海棠開遍零亂一簾紅  
雨繡簾低捲起春風香肩倦倚嬌無語歎玉堂底事恩  
恩聚散又江南旅 春暮人何處想歌館睡濃日高丈  
五舊迷未醒莫負孤眠鳳侶長安道載酒尋芳故園桃  
李還憶否早歸來整過闌干花下攜春俎

隔浦蓮

春行用美成韻

東風吹長嫩葆花塢穿青窈玉管新聲顫金鈴響驚青  
鳥行樂莫草草春光鬧鴛浴垂楊沼 紅嬌小梳宮樣  
鬢雲釵鳳斜倒酒邊輕別一枕相思到曉巫山難夢到

愁覺一些心事誰表

蘇幙遮

錢塘避暑憶舊用美成韻

遠迎風回避暑人似荷花笑隔荷花語無限情雲并意  
雨驚散鴛鴦蘭棹波心舉約重遊輕別去斷橋風月  
夢斷飄蓬旅舊日秋娘猶在否鴈足不來聲斷衡陽浦  
齊天樂

簿廳壁燈

紅紛綠鬧東風透煖得枳花香也雪柳撚金玉梅鋪粉  
妝點春光無價黿蓬如畫簇萬頃芙蕖桂華相射豔冶

逢迎香塵滿路飄蘭麝 人生行樂聊爾況良辰美景

好天晴夜重帖爭先芋郎卜巧細說成都舊話傳觴立

馬看翠陣珠圍歌朋舞社酒盡更闌月在蒲萄架

時簿廳新

作蒲萄架

燭影搖紅

縣廳壁燈

月浸芙蕖冰壺天地波凝碧太平歌舞醉東風花市人

如織桃李一城春色玉梅嬌鬧蛾無力粉圍紅陣燈火

樓臺綺羅巷陌 樂事還同遨頭引領神仙客高燒銀

燭照紅妝香霧穿瑤席欵欵檀牙細拍醉金尊東方未

白傳柑相遺探蠶爭先明年今夕

沁園春

歸田作

看做官來只似兒時擲選官圖如瓊崖儋岸渾么便去  
翰林給舍喝采曾除都一擲閒許多般樣輸了還羸羸  
了輸回頭看這浮雲富貴到底花虛 吾生誰毀誰譽  
任荆棘叢叢滿仕途歎塞翁失馬禍也福也蕉閒得鹿  
真歟夢歟何怨何尤自歌自笑天要吾儕更讀書歸去  
也向竹松深處結个茅廬

賀新郎

和陳新淥觀競渡韻

繡口琅玕腹美人兮陽春一曲華貂難續喚醒荷花歸  
棹夢猶憶紅塵迷目只消得身飛兔逐往事已隨流水  
去眇愁予鬱鬱哀時俗恨千縷淚一掬不須青史流  
芳馥也不須榮華富貴尊前頻祝但得山中茅屋在莫  
遣鶴悲猿哭隨意種茶薇躋躅蓴菜可羹鱸可膾聽漁  
舟晚唱清溪曲醉又醒喚芳醪

夏日燕覺堂

和竹礪韻壽匝峰使君

赤城中奏鶴笙一曲玉佩丁東蒲節后七日宴翠闌瓊

宮年年王母來稱壽醉蟠桃幾度東風簇花間五馬輕  
裘短帽雪鬢吟翁 魁宿耀三雍曾歸車共載非虎非  
熊急流勇退淵底臥驪龍山中不用官三品墊角巾人  
慕林宗記亳州舊事畫鳴夷子獻與恭公

水調歌頭

壽梁多竹八十

百歲人能幾七十世閒稀何況先生八十蔗境美如飴  
好與七松處士更與梅花君子永結歲寒知菊節先五  
日滿酌紫霞卮 美成詞山谷字老坡詩三逕田園如  
昨久矣賦歸辭不是商山四皓便是香山九老紅頰白

鬚眉九十尙入相綠竹頌猗猗

賀新郎

壽陳新淥

壽酒浮萸菊記年年重陽嘉節開尊華屋綠鬢朱顏春  
不改彼美人兮如玉有錦繡珠璣滿腹戶外紅塵飛不  
到受人閒倒大清閑福數花甲纔八六十分秋色呈  
新綠一簇兒池館亭臺左梅右竹柳下繫船花下飲不  
減西園金谷更橘外安排棋局獨立小橋明月夜喚鶯  
鶯低唱雙飛曲有子也萬事足

生朝新淥用前韻見贈再依調答之

低唱芙蓉菊有吟翁坐擁紅嬌宴黃金屋恰則紱麟三  
日後燦燦睟盤珠玉不待夢燕懷楓腹自是嫦娥分桂  
種伴靈椿千歲延清福同笑我龜藏六歸歟老圃鉏  
春綠吾菟裘三逕荒苔一庭瘦竹欲隱貧無山可買聊  
爾徜徉盤谷更管甚雲臺玉局緊閉柴門傳語客道主  
人高枕南窗曲有酒蠲此生足

用張小山韻賀小山納婦

沙上盟鷗鷺笑吟翁夢今不到草堂深處金屋重重春  
睡暖傍翠偎香步步已自摘蟠桃三度舊日畫眉情性  
在更君房妙絕文章語消受得乘鸞侶樓中燕燕誰